

DEMANTI NA TEKST PORTALA BNN O JELENIMA LOPATARIMA I MINISTRU MUHAREMU ŠABIĆU

Ministar Šabić demantuje aferu u vezi jelena lopatara i zbog iste trpi duševnu bol

22.07.2016 - 17:59 | Politika



1



Tekst portala BNN u vezi afere "jelena lopatari" koju je u skupštinskim klupama pokrenuo zastupnik SBB-a Zvonko Marić izazvao je demanti ministra privrede Vlade Kantona Sarajevo Muharema Šabića koji je našoj redakciji poslat putem advokatske kancelarije advokata Damira Katice te isti objavljujemo.



Navedeni dijelovi teksta, koji je objavio BNN, a prema mišljenju advokatske kancelarije Katice, koja zastupa ministra Šabića, "predstavljaju klevetu za tužitelja jer te tvrdnje nemaju utemeljenje u istinitim činjenicama, pa tužitelja, s obzirom na to kao i na funkciju koju obavlja i poziciju ministra privrede Kantona Sarajevo diskreditira i svrstava u red osoba koje rade protuzakonito" - navodi se u demantiju.

U nastavku demantija se kaže: "Naime navodi iz članka da je Šabić izdvojio 300.000KM očito nisu utemeljeni na istini, posebno iz razloga što Ugovor o finansiranju realizacije Projekta – Ekonomski, ekološki i sociološki aspekti uzgajanja jelena lopatara na području Kantona Sarajevo nije bio vrijedan 300.000KM već 50.000KM a isti nije potpisao ministar Šabić već tadašnji ministar privrede Kantona Sarajevo dr. Rusmir Sendić zajedno sa dekanom šumarskog fakulteta u Sarajevu prof.dr.Faruk Mehić i mr.sci. Zejnil Berilo. Nadalje Šabićevi advokati u demantiju tvrde da je kontrolom o stanju jelena lopatara iz septembra 2014.godine utvrđeno da ih na terenu ima ukupno 66 te da nije tačno da ih nema nikako.

Također Šabićevi advokati tvrde da slučaj "jeleni lopatari" nije pokušao riješiti na vanskupštinski način ,ličnim telefonskim pozivima prema zastupniku Zvonku Mariću što se sve skupa odrazilo na Šabićevu moralno-psihičku stranu i integritet njegove ličnosti.

U nastavku demantija Šabićevi advokati tvrde da je Šabić ugledna poslovna osoba i "značajan akter javno-političkog života" te da se javnost povodom teksta o jelenima lopatarima pogrešno informisala. Isto tako Šabićevi advokati su na kraju upućenog demantija na adresu redakcije BNN-a dodali da je sve ovo prouzročilo duševne boli po Šabića, da su mu povrijeđeni čast, ugled i dostojanstvo i da zbog toga zahtijevaju objavu demantija što redakcija BNN-a ovim putem i čini uz novinarsko pravilo na pravo druge strane da kaže svoju verziju priče.

Redakcija BNN

Izvor: BNN.BA

Tagovi:

JELENI LOPATARI

MUHAREM ŠABIĆ

VLADA KANTONA SARAJEVO